



## Publicaziuns officialas dils 30-03-2018

---

### Radunonza da vischnaunca

La proxima radunonza da vischnaunca ha liug mardis, ils 24 d'avrel 2018 allas 20.00 uras a Cumpadials.

#### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Approbaziun dil protocol dalla davosa radunonza communal dils 15-12-2017
4. Tractaziun ed approbaziun dil project da sanaziun dalla via dall'alp Glivers e concessiun dil credit brut da 505'000 francs
5. Scassar la decisiun dalla radunonza communal dils 28-05-2015 pertuccont baghegiar ina tegia mo per ina partida a Val Tenigia e tractaziun ed approbaziun dil project per la sanaziun dalla tegia da Val Tenigia e concessiun dil credit brut da 290'000 francs
6. Tractaziun ed approbaziun dil project da realisar uauls natural ed inslas d'uaul
7. Orientaziuns
8. Varia

Dils documents tier las tractandas 4-6 sa vegnir priu investa sin canzlia communal durant las uras da spurtegl.

Sumvitg, 30-03-2018

*Suprastonza communal*

### Uffeci civil Surselva

#### **Mortori**

***Bearth-Fryberg Brida***, naschida ils 28-09-1928, morta ils 18-03-2018, stada sesenta a Rabiun.

Sumvitg, 30-03-2018

*Controlla da habitonts*

### Inoltraziun declaronza da taglia 2017

Tuttas personas naturalas cun dimora fiscal en vischnaunca ni schischom ein obligadas d'inoltrar ina declaronza da taglia.

#### **Termins per inoltrar la declaronza da taglia**

Ils suandonts termins ein da risguardar per inoltrar la declaronza da taglia:

- **31 da mars 2018** per personas cun activitad da gudogn dependenta, scolars, students, pensiunai, disoccupai.
- **30 da settember 2018** per personas cun activitad da gudogn independent, societads semplas e personas domiciladas ordeifer il cantun cun interpresas el Grischnun.
- **30 da settember 2018** per personas domiciladas ordeifer il cantun cun immobilias en vischnaunca (obligaziun limitada da pagar taglia).

### **Midadas impurtontas**

Muort modificaziun sin ina taxaziun senza pupi sedattan naven dalla perioda da taglia 2016 las suanontas midadas per tut ils pagataglia.

Las declaraziuns da taglia 2017 ein d'inoltrar sco suonda:

Administraziun da taglia dil cantun Grischun  
Verarbeitungszentrum 1/KO  
Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar naven dalla perioda da taglia 2016 sco suonda:

- online: [www.stv.gr.ch](http://www.stv.gr.ch)
  - per e-mail: [fristgesuche@stv.gr.ch](mailto:fristgesuche@stv.gr.ch)
  - en scret: Administraziun da taglia dil cantun Grischun  
Fristgesuche/KO  
Steinbruchstrasse 18, 7001 Cuera  
Telefon 081 257 34 93
- 
- Las damondas da prolungaziun ein d'inoltrar cun las suandontas indicaziuns: numera da register cumpletta (inclus numera da vischnaunca 673-), num, prenum e vischnaunca da domicil.
  - Ils termins concedi vegnan buca confirmai ed ein en general buca prolungabels. En cass singuls e motivai sa in ulteriur termin excepziunalmein vegnir dumandaus.

Igl uffeci da taglia communal Sumvitg supplichescha da prender enconuschientscha da quellas midadas.

### **Ulteriuras informaziuns**

Persunas che han buca retschert la declaronza da taglia ston tuttina ademplir lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier igl uffeci da taglia communal.

Ils conjugals suttascrivan comunablamein la declaronza da taglia. Conjugals che vivan giuridicamein ed efectivamein en ina lètg nunseparada ein suttamein comunablamein alla taglia. Las entradas e la facultad vegnan summadas senza risguardar il stadi dils beins. Omisdus conjugals ein ella medema posiziun ella procedura e suttascrivan ensemen la declaronza da taglia. Sche la declaronza da taglia ei vegnida suttascretta sulettamein d'in conjugal, vegn la suttascripziun che maunca aunc pretendida.

Davart ulteriuras damondas stat igl uffeci da taglia communal a disposiziun.

Sumvitg, 30-03-2018

*Uffeci da taglia Sumvitg*

### **Administraziun communal / Comunicaziun**

L'administraziun communal resta serrada sur Pastgas sco suonda:

naven da gievgia, ils 29-03-2018, allas 11.00 uras, entochen mardis, ils 03-04-2018 allas 08.00 uras

Nus engraziein per la buna collaboraziun e giavischein bialas fiastas da Pastgas.

Sumvitg, 30-03-2018

*Administraziun communal*

### **Vignettas da mopeds**

La vignetta da mopeds 2018 sa vegnir retratga tier l'administraziun communal. La taxa munta frs. 43.--.

Sumvitg, 30-03-2018

*Administraziun communal*

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 30-03-2018

*Departament stradal*

### **Lenna da brisch 2018**

La vischnaunca da Sumvitg offerescha a vischinas e vischins la cumpra da lenna da brisch sco suonda:

#### **Pégn**

Igniu 55.00 frs/m<sup>3</sup>

#### **Ogna**

80.00 frs/ster

Il quantum d'ogna ei limitaus.

Ils prezis secapeschan excl. taglia sin plivaleta. Cundiziuns da pagament ein 30 dis net.

Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, Via Quadras Su 10, 7175 Sumvitg, ni e-mail: [uffeci.forestal@sumvitg.ch](mailto:uffeci.forestal@sumvitg.ch), ni per telefon (081 920 25 06). Las empustaziuns ston succeder entochen sil pli tard venderdis, ils **6 d'avrel 2018**.

Bien engraziament per Vossa empustaziun!

*Il selvicultur da revier  
Flurin Cathomas*

### **Sanaziun dallas vias Catat, Caduff e Chistrisch**

#### **Lavurs d'impressari**

Mardis, ils 03-04-2018 vegn cuntinuau cun las lavurs da sanaziun dalla Via Catat. Muort las lavurs vid l'entrada en la via cantunala ein las vias da Catat e Caho serradas naven dils 03-04-2018 entochen ils 06-04-2018.

Naven dils 09-04-2018 entochen ils 13-04-2018 ei la Via Fravia serrada.

Ils 16-04-2018 vegn entschiet cun las lavurs vid las vias Caduff e Chistrisch.

#### **Lavurs da catram**

Ils 23-04-2018 vegn entschiet cun las lavurs da catram.

Nus supplichein da far diever dil sviament sur la via da Cavivens durant il temps da sanaziun. Nus engraziein per Vossa capientscha. Ulteriuras informaziuns survegnis Vus directamein dil biro d'inschignier Deplazes a Surrein (tel. 081 943 25 60).

### **Uniun samaritana Sumvitg-Trun**

Nies proxim exercezi tecnic ha liug **mardis, ils 3 d'avrel 2018** allas 20.00 a Trun. Tema digl exercezi: sebarschadas e capellinas Interessents/-as cun interess per nos exercezis ein adina beinvegni. Cordials salids ed a bien seveser la suprastonza